



**IBARRAKO UDALA**  
(Gipuzkoa)  
Euskal Herria

## **2017KO URRIAREN 27AN TOKIKO GOBERNU BATZARRAK EGINDAKO OHIKO BILKURA**

**Etorri diren batzordekideak:**

**Mikel Agirrezabala Ezkurdia**  
**Itziar Arratibel Imaz**

Etorri diren zinegotziak:  
Jon Mikel Iglesias Otegui  
Jesus Peñagarikano Labaka

**Idazkaria:** Naia Ruiz de Eguino Garcia-Echave

Ibarran 2017ko urriaren 27an udaletxeko bilera-aretoan, goizeko hamaikak direnean Tokiko Gobernu batzarrak bilera egin zuen eta alboan adierazitako jaun-andreak elkartu ziren ohiko bilkura egiteko asmoz, horretarako deituta baitzeuden

Egintzaren buru Mikel Agirrezabala Ezkurdia alkatea izan zen eta bitarteko idazkari lanetan Naia Ruiz de Eguino

Udalburuak egintza ireki dela adierazi ondoren, bilkura honetarako ditugun gaiak aztertu eta eztabaidatu dira eta honako erabaki hauek hartu dira

### **LEHENA:**

#### **1.2017KO URRIAREN 11KO AKTAREN ONARPENA**

2017ko urriaren 11n eginiko Gobernu batzarraren akta irakurri ondoren, hona Tokiko Gobernu Batzordeak, aho batez, harturiko

#### **ERABAKIA**

**BAKARRA:** Onartzea 2017ko urriaren 11n eginiko Gobernu Batzarraren akta



**IBARRAKO UDALA**  
(Gipuzkoa)  
Euskal Herria

## **BIGARRENA:**

### **2.-2017KO URRIAREN 23AN BURUTURIKO OBRA ETA ZERBITZU BATZORDEAREN INGURUAN HARTURIKO ERABAKIAK**

#### **2.1 IBAI GAIN 6 ZBK.KO DANTZARAKO LOKALAREN PVC-ZKO ZOLADURAREN ESLEIPENA**

Ibarrako Alur dantza taldeko arduradunak jakinarazi dio Udalari, Ibai Gain 6 zbk-ko lokalean dagoen egurrezko zoladura oso irristakor dagoela eta arriskutsu dagoela erabiltzaileentzat.

Bestalde, jakinarazi du Azkueko dantza-lokaleko PVC-zko zoladura, dantzarako berezia, oso egokia dela eta berdina jartzea posible den galdetu du.

3 aurrekontu eskatu dira, bat, egurrezko zoladurarena, eta beste bi PVC-zko zoladurarenak. Azkueko lokalean dagoen materiala ROSCO etxeko ADAGIO erreferentzia duen materiala da, beltza.

Aurkeztutako eskaintzak honakoak dira, BEZa barne:

- Egurrezkoa
  - ITURRIOZ, S.L.....parket flotantea, laminatua  
AC5.....3.440,84 €
- PVC-zkoa
  - LANEDER REVESTIMIENTOS, S.L.....ADAGIO beltza, 1,5 mm.....5.400,35 €
  - PINTURAS Y DEC. CORDON-VILARCHAO, S.L... ADAGIO beltza, 1,5 mm.....5.579,38 €

2017ko urriaren 23ko Obra eta Zerbitzu Batzordearen irizpena kontutan izanik, hona Tokiko Gobernu Batzordeak, aho batez, harturiko

### **ERABAKIA**



**IBARRAKO UDALA**  
(Gipuzkoa)  
Euskal Herria

LEHENENGOA: PVC-zko zoladura jartzea, eta LANEDER REVESTIMIENTOS, S.L enpresari esleitzea lanak, guztira 5.400,35 €an (BEZ barne).

BIGARRENGOA: Lan hau 2017ko aurrekontu orokorreko 0000.212.333.10.00 partidatik finantzatuko da.

HIRUGARRENGOA: Erabakia jakinarazi Kontuhartzaitza sailari eta Iturrioz S.L, Laneder Revestimientos S.L eta Pinturas y Dec Cordon-Vilarchao S.L enpresei. (E)

## **2.2 SARRERA KONTROLA EGITEKO LIZENTZIAREN AURREKONTUAREN ONARPENA**

Ibai Gain 4ko Txontxo lokalean sartzeko giltza arruntak erabili beharrean, txartelak erabiltzeko aukera aztertu da.

Herriko talde ugari erabiliko duenez lokala, sartzan den jendearen kontrola egitea beharrezkoa dela ikusten da.

Gaur egun, Kukumikun, aulkitxoak gordetzeko gelan eta pabiloian dauden entsegu lokaletan, txartelak erabiltzen dituzte herritarrek, baina programa, Beitiarena erabiltzen da, hau da, sarreraren kontrola Beitiaren bitartez egiten da.

Bestalde, Txontxo lokaleko sarrera kontrola udalak egitea nahi du.

Hau guztiak ikusita, BEITIA SISTEMAK S.L.-ri eskatu zaio kudeaketa kitaren aurrekontua hainbat lokaletan sarrera kontrolatzeko. Honakoa sartzan da kit horretan:

- 30 aterentzako lizentzia.
- Programagailu eramangarria
- Txartel-editorea (baimenak)
- Lanaldi erdiko formakuntza

Aurkeztutako aurrekontua 3.573,13 € da BEZa barne.

30 aterentzako lizentzia denez, beste edozein udal eraikinetan erabili daiteke, hau da, udaletxeko ateetan ere jar daiteke.

2017ko urriaren 23ko Obra eta Zerbitzu Batzordearen irizpena kontutan izanik, hona Tokiko Gobernu Batzordeak, aho batez, harturiko



**IBARRAKO UDALA**  
(Gipuzkoa)  
Euskal Herria

## **ERABAKIA**

LEHENENGOA: Udal eraikinetan sarrera kontrola egin ahal izateko kudeaketa-kita erostea BEITIA SISTEMAK S.L.-ri ; guztira 3.573,13 €an (BEZa barne).

BIGARRENGOA: Erabakia jakinarazi Kontuhartzaitza sailari eta Beitia Sistemak S.L enpresari (E)

### **2.3 JESUS GURIDI AUZOKO ASFALTO LANEN ESLEIPENA**

Jesus Guridi auzoko hiritartze-hobekuntzen azken pausoa errepidea eta aparkalekuak asfaltatzea da eta erabili behar den materiala D8 OFITA da.

Hiru enpresari eskatu zaie aurrekontua lan horiek egiteko, eta honakoak dira aurkeztutako eskaintzak (BEZa sartuta):

BIXENTE OTEGI LIZASO, S.L.....	38.260,20 €
ASFALTIA.....	43.589,04 €
ASFALTOS URRETXU S.A.....	45.302,40 €

2017ko urriaren 23ko Obra eta Zerbitzu Batzordearen irizpena kontutan izanik, hona Tokiko Gobernu Batzordeak, aho batez, harturiko

## **ERABAKIA**

LEHENENGOA: BIXENTE OTEGI S.L. enpresari esleitzea Jesus Guridi auzoko asfalto lanak, eskaintza merkeena delako, guztira 38.260,20 €an (BEZ barne).

BIGARRENGOA: Obra hau 2017ko aurrekontu orokorreko 0000.601.153.20.00 partidatik finantzatuko da.

HIRUGARRENGOA: Erabakia jakinarazi Kontuhartzaitza sailari eta Bixente Otegi Lizaso S.L, Asfaltia eta Asfaltos Urretxu S.A enpresei (E)

### **2.4 IZASKUN AUZORA DOAN BIDEKO ASFALTO LANEN ESLEIPENA**

Izaskun auzora doan bideko asfaltoa hondatuta dagoela eta asfalto geruza berria bota behar dela eta erabili beharreko materiala D12 OFITA dela.



**IBARRAKO UDALA**  
(Gipuzkoa)  
Euskal Herria

Gutziz hondatu baino lehen eginez gero, ganean 5 cm-ko geruza botatzea nahikoa izango da.

Bestalde, Aldundiak 27.401,96 €ko diru-laguntza eman diola udalari lan horiek egiteko.

Hiru enpresari eskatu zaie aurrekontua lan horiek egiteko, eta honakoak dira aurkeztutako eskaintzak (BEZa sartuta):

BIXENTE OTEGI LIZASO, S.L.....	45.208,63 €
ASFALTIA.....	62.443,26 €
ASFALTOS URRETXU S.A. ....	46.500,30 €

2017ko urriaren 23ko Obra eta Zerbitzu Batzordearen irizpena kontutan izanik, hona Tokiko Gobernu Batzordeak, aho batez, harturiko

### **ERABAKIA**

**LEHENENGOA:** Izaskun auzora doan bideko asfalto lana BIXENTE OTEGI LIZASO, S.L enpresari esleitzea, guztira 45.208,63 €an (BEZa barne).

**BIGARRENGOA:** Obra hau 2017ko aurrekontu orokorreko 0000.601.170.00.01 partidatik finantzatuko da.

**HIRUGARRENGOA:** Erabakia jakinarazi Kontuhartzaitetza sailari eta Bixente Otegi Lizaso S.L, Asfaltia eta Asfaltos Urretxu S.A enpresei (E)

### **2.5 UDALETXEKO SEGURTASUN-SOKA JARTZEKO LANEN ESLEIPENA**

Udaletxeko teilatuan edozein konponketa modu seguruan egiteko segurtasun-soka falta da eta LAUTALANek adierazi du segurtasun-soka behar-beharrezkoa dela edonor teilatuta igo ahal izateko.

Segurtasun-soka jartzeko hiru enpresari eskatu zaie aurrekontua eta hauek dira aurkeztutako eskaintza ekonomikoak:

SECTORVERTICAL.....	3.164,15 €
ADEKUA.....	2.999,59 €
IRUDEK.....	2.302,73 €

Hona hemen enpresa bakoitzak prezioaren barruan eskaintzen duena:



**IBARRAKO UDALA**  
(Gipuzkoa)  
Euskal Herria

**SECTOR VERTICAL:**

- Segurtasun-sokak erabili ahal izateko EPlak (karroak....) 2 joko
- Formazioa, sistema erabiliko dutenentzat.
- Ainguraketa puntuen iragazgaiztea.

**ADEKUA:**

- Segurtasun-sokak erabili ahal izateko EPlak (karroak....) joko 1
- Ainguraketa puntuen iragazgaiztea.

**IRUDEK:**

- Segurtasun-sokak erabili ahal izateko EPlak (karroak....) 2 joko
- Formazioa, sistema erabiliko dutenentzat.
- Ainguraketa puntuen iragazgaiztea EZ dago sartuta.

2017ko urriaren 23ko Obra eta Zerbitzu Batzordearen irizpena kontutan izanik, hona Tokiko Gobernu Batzordeak, aho batez, harturiko

**ERABAKIA**

**LEHENENGOA:** Udaletxeko teilatuan segurtasun-sokak jartzeko lanak IRUDEK enpresari esleitzea 2.302,73 €an, karroak eta formazioa prezioan sartuta. (BEZa barne).

**BIGARRENGOA:** Obra hau 2017ko aurrekontu orokorreko 0000. 622.920.00.01 2017 partidatik finantzatuko da.

**HIRUGARRENGOA:** Ainguraketa puntuen iragazgaiztea egiteko, horretan aritzen den enpresa bati eskatzea.

**LAUGARRENGOA:** Erabakia jakinarazi Kontuhartzaitza sailari eta Sector Vertical, Adecua eta Irudek enpresei (E).

**2.6 IBAIGAIN 4 LOKALEKO PERTSIANA JARTZEKO LANEN ESLEIPENA**

Ibai Gain 4 zbk.ko Txontxo lokalean, sarreran, pertsiana perforatu bat jarri behar da.

Hiru aurrekontu eskatu dira eta hauek dira aurkeztutako eskaintzak BEZa barne:

ATERPEAXXI	C.	Y	MANTENIMIENTOS
S.L.....		1.721,59 €	
PERSIANASKAR.....			1.910,59 €

6

GB 20171027



**IBARRAKO UDALA**  
(Gipuzkoa)  
Euskal Herria

JOSE MARIA ECHEVERRIA,  
S.A.....2.359,50 €

2017ko urriaren 23ko Obra eta Zerbitzu Batzordearen irizpena kontutan izanik, hona Tokiko Gobernu Batzordeak, aho batez, harturiko

### **ERABAKIA**

LEHENENGOA: Ibai Gain 4zba.ko Txontxo lokaleko sarreran persiana jartzeko lanak ATERPEA XXI C. Y MANTENIMIENTOS S.L.-ri esleitzea eskaintza hoberena aurkeztu duelako, guztira 1.721,59 €an (BEZa barne).

BIGARRENGOA: guztia 1 0000.622.337.20.00 2017 partidatik ordainduko da.

HIRUGARRENGOA: Erabaki hau jakinarazi kontuhartzailletza sailari eta Aterpea XXI c y Mantenimientos S.L, Persianas Kar eta Jose Maria Echeverria S.A enpresei (E).

### **2.7 UDALETXEKO SARRERARAKO AIRE KORTINA JARTZEKO LANEN ESLEIPENA**

Ikusita, neguan udaletxe sarreran eta bulego orokorretan hotz handia egiten duela sarrerako atea etengabe irekitzen delako.

Ikusita, sarrerako atearen gainean aire kortina bat jartzeak sarrera epelago mantentzen lagundu dezakeela.

Ikusita, hiru solairuetan ez dagoela termostatorik, beraz, ezin dela solairu bakoitzean tenperatura erregulatu.

Ikusita, haririk gabeko termostatoa jarri daitekeela solairu bakoitzean tenperatura solairu bakoitzeko beharren arabera erregulatzeko.

Udaletxe berokuntza sistemaren mantentze lanak TARTE S.L. enpresak egiten dituzenez, eta galdara berria berak jarri zuenez, aurrekontua eskatu zaio eta hau da aurkeztutako eskaintza:

- Aire kortina, bateria elektrikoa duena.....1.761,85 €
- Haririk gabeko termostatoa solairu guztietan.....889,62 €
- Guztira.....2.651,47 €

BEZ %21.....556,81 €



**IBARRAKO UDALA**  
(Gipuzkoa)  
Euskal Herria

GUZTIRA.....3.208,28 €

2017ko urriaren 23ko Obra eta Zerbitzu Batzordearen irizpena kontutan izanik, hona Tokiko Gobernu Batzordeak, aho batez, harturiko

### **ERABAKIA**

**LEHENENGOA:** Udaletxeko sarreran aire kortina jartzeko eta hiru solairuetan haririk gabeko termostatoak jartzeko, TARTE S.L. enpresak aurkeztutako 3.208,28 €ko aurrekontua (BEZa barne) onartzea.

**BIGARRENGOA:** 1 0000.212.920.00.00 2017 partidatik finantzatuko da. Orain ez dago nahiko diru partidari, beraz, hurrengo kreditu aldaketaren espedientearen sartu beharko da gastu hau.

**HIRUGARRENGOA:** Erabaki hau jakinarazi kontuhartzailletza sailari eta Tarte S.L enpresari

### **HIRUGARRENA:**

#### **3.-2017KO URRIAREN 18AN BURUTURIKO KULTURA ETA GAZTERIA BATZORDEAREN IRIZPENEN INGURUKO ERABAKIAK**

##### **3.1 - "TXONTXO" UDAL LOKALEN ERABILERA ARAUTEGIA.**

Arau izaera duenez bere onarpena Udalbatzak egin beharko du.

### **LAUGARRENA**

#### **4.- 2017KO URRIAREN 23AN BURUTURIKO HIRIGINTZA BATZORDEAREN IRIZPENEN INGURUKO ERABAKIAK**

##### **4.1 01 128 PARTZELAN EGINDAKO LAN MUGIMENDUEN LEGALIZAZIOA.**

Irailaren 18 ko 356/ Alkate dekretu bidez 01 128 lursailean baimenik gabeko obra lanak gelditzea agindu zitzaion Juan Soroa Mendizabal lurjabeari.

Aginduarekin batera legezkatze prozesua hastea eskatu zitzaion, elementu legeztagarriak dauden ala ez definitzeko.





**IBARRAKO UDALA**  
(Gipuzkoa)  
Euskal Herria

Urriaren 11ean Juan Soroa Mendizabalek isilpeko lanak legeztatze helburuarekin Armando Rodriguez ingeniuru agronomoak sinaturiko agiria aurkeztu du jarritako epe barruan.

Udal arkitektoaren aldeko txostena ikusi da eta Armando Rodriguez ingeniari agronomoak egindako lanen betelaneen izaerari buruz azalpena onartu da.

2017ko urriaren 23ko Hirigintza Batzordearen irizpena kontutan izanik, hona Tokiko Gobernu Batzordeak, aho batez, harturiko

### **ERABAKIA**

**LEHENENGOA:** Legeztatzea 01 128 lursailean Juan Soroa Mendizabal jaunak egindako firma egonkortzeko lanak, ondorengo baldintzak bete beharko dituelarik:

- Asfaltoa duten materialak baimenduriko bertederora eramatea
- Mozturiko landareriaren arrastoak kendu eta garbitzea.
- Taludetan landare haziak botatzea.

**BIGARRENA:** Debekatzea zuhaitz enborrak biltzeko 01128 lur saila egokitzea. Ibarra landa lurretako arau subsidiarioak ez du baimentzen lursail horretan enborrak biltzea eta ondorioz lan horiek egin ahal izateko beharrezko diren ibilgailuak sartzeko egokitzapenak egitea ere ez da onartzen.

Horregatik ez da baimenduko bi plataformen arteko bidea txukuntzeko eta ibilgailuak sartu ahal izateko firma egonkortzeko materiala sartzeko.

Egin daitezkeen berriazko erabilera orokorrak nekazaritza eta abelazkuntzako dira eta Ibarra Landa lurretako arau subsidiarioetako 16. Artikuluan jasotzen dira.

**HIRUGARRENA:** Legeztatze jarritako neurriak 3 hilabeteko epean bete beharko dira, erabaki hau jakinarazten den egunetik kontatzen hasita.

**LAUGARRENA:** Jakinaraztea Juan Soroa Mendizabal jaunari, lursailaren inguruan itxiera egiteko baimena eskatuz gero honako dokumentazioa aurkeztu beharko duela: zein distanziara ezarriko den itxiera, zein altuera izango duen honek eta zenbatekoa izango den kostua (aurrekontua). (E)



**IBARRAKO UDALA**  
(Gipuzkoa)  
Euskal Herria

#### **4.2 EUSKALERRIA 63. KONTSULTA.**

2017ko uztailaren 21ean Tokiko Gobernu Batzarrak Euskalerrria 63 behean biltegi erabilerarako obra baimena ematea ebatzi zuen.

Jarritako baldintzen artean fatxadaren konposizioa errespetatzen zituen irekierak, ondare sailak azaldutako irizpideak erabiliz, antolatzea eskatu zen.

Beste neurrien artean, biltegirako atea bigarren zutabeen planoan jartzea eskatu zen (portxe bat sortuz).

Orain, ahoz, Jabier Telleria Elorz arkitektoak fatxada nagusian, portxerik sortu gabe, ate handia jartzeko kontsulta egin du.

Udal arkitektoaren aldeko txostena ikusirik.

2017ko urriaren 23ko Hirigintza Batzordearen irizpena kontutan izanik, hona Tokiko Gobernu Batzordeak, aho batez, harturiko

#### **ERABAKIA**

**LEHENENGOA:** Aldeko erantzuna ematea, Euskal Herria 63ko jabekideek egindako kontsultari Gipuzkoako Foru Aldundiko ondasun sailak emaniko irizpideak egoki errespetatzen dituelako proposaturiko fatxadaren konposizioak.

**BIGARRENGOA:** Erabaki honen berri eman Euskal Herria 63ko jabekideei. (E)

#### **4.3 BELAUNTZA ETA IBARRAN KOKATURIK DAGOEN AZKUE ZUBIAREN INGURUA BERRITZEKO ETA EGOKITZEKO ESKAERA:**

Azkue zubiak Ibarra eta Belauntza herriak lotzen ditu. Zubia bi herrietako hirigintza ondare katalogoan dago, 36 (Ibarra) eta 13 (Belauntza) zenbakiekin ain zuzen.

Zubiak Zelai errekaen bi aldeak komunikatzen ditu eta bereziki Ibarra Euskalerrria 81, 83 eta 85 etxebizitzetan bizi diren herritarrentzako ezinbestekoa da GI 21 30 errepidearen ertzetik urrutiratu eta segurtasun baldintzetan Ibarra erdigunera etorri ahal izateko neurriak hartzea eta zubiaren egoera hobetzea.



**IBARRAKO UDALA**  
(Gipuzkoa)  
Euskal Herria

Gaur egun zubia eta Azkue 3raino doan bidea baldintza okerretan dago; baranda zenbait lekutan apurturik dago, zoruan ur putzuak sortzen dira hormigoia desegin delako eta ez nahiz argi instalazioa egon ez dago argirik bertan.

2017ko urriaren 23ko Hirigintza Batzordearen irizpena kontutan izanik, hona Tokiko Gobernu Batzordeak, aho batez, harturiko

**ERABAKIA**

**LEHENGOA:** Eskatzea Belauntzako Udalari, Azkue zubiaren eta handik Azkue 3rainoko bidea berritu eta zorua txukundu dezan eta bide batez argiteriak berritu ditzan.

**BIGARRENGOA:** Ibarra udala erreka erditik GI 30rainoko konpenketen ardura hartzeko konpromezua agerzen du.

**HIRUGARRENGOA:** Ibarra udala prest agertzen da eskariak sor ditzakeen zalantzak argitzeko eta horrelako ekintzak bultzatzeko elkarlanean lan egiteko.

**LAUGARRENGOA:** Erabaki honen berri eman Belauntzako Udalari. (E)

**4.4 JULIAN GAIARRE 3AN IGOGAILUA JARTZEKO AUKERARI BURUZKO KONTSULTA.**

Jabier Telleria Elorzak, Julian Gaiarre 3ko jabekideen izenean, igogailua jartzeko bideragarritasunari buruzko aurrekontsulta egiten dio Ibarra udalari "Etxebizitzaren irisgarritasuna sustatzeko udal ordenantza 8. artikulua euskarri izanik.

Kontsultan, atzealdeko fatxadan 4,58 metroko luzera eta 2,05 metroko zabalera duen bolumena ateratzea proposatzen da.

Udal arkitektoaren txostena ikusirik.

2017ko urriaren 23ko Hirigintza Batzordearen irizpena kontutan izanik, hona Tokiko Gobernu Batzordeak, aho batez, harturiko

**ERABAKIA**



**IBARRAKO UDALA**  
(Gipuzkoa)  
Euskal Herria

LEHENA: Aurkezturiko proposamenaren kontrako erantzuna ematea, eraikinaren atzealdean dagoen aparkalekuan eta Julian Gaiarre 1, 5 eta 7 eraikinetan izango lukeen eragin kaltegarriarengatik.

BIGARRENA: Erabaki honen berri ematea Julian Gaiarre 3ko jabekideei (E).

## **BOSGARRENA**

### **5.- 2017KO URRIAREN 26AN BURUTURIKO GIZARTE POLITIKAK ETA POLITIKA FEMINISTA ETA ANIZTASUNA BATZORDEAREN IRIZPENEN INGURUKO ERABAKIAK**

Gizarte Politikak eta Politika feminista eta Aniztasuna Batzordeak Ibarra Herrian emakume eta gizonen berdintasuna bultzatzeko diru laguntzak emateko oinarriak aurkez dizkio Tokiko Gobernu Batzorde honi honek onar ditzan.

2017ko urriaren 26ko Gizarte Politikak eta Politika Feminista eta Aniztasun Batzordearen irizpena kontutan izanik, hona Tokiko Gobernu Batzordeak, aho batez, harturiko

#### **ERABAKIA**

LEHENENGOA: Onartzea Ibarra Herrian emakume eta gizonen berdintasuna bultzatzeko diru laguntzak emateko oinarriak.

BIGARENDOA: Diru-laguntza hauek 10000.226.231.50.05 partidatik finantziatuko dira.

HIRUGARENDOA: Oinarri hauek Gipuzkoako Aldizkari Ofizialean argitaratzea eta Ibarra udaleko web orrialdera igotzea.

**IBARRAKO HERRIAN EMAKUME ETA GIZONEN BERDINTASUNA BULTZATZEN DUTEN BERTAKO ELKARTEEI DIRU LAGUNTZAK EMATEKO OINARRIAK 2017**

#### **TOKI ADMINISTRAZIOA**

#### **IBARRAKO UDALA**

#### **Iragarkia**



**IBARRAKO UDALA**  
(Gipuzkoa)  
Euskal Herria

## SARRERA

Tokiko Gobernu Batzarrak, 2017ko .... eginiko bilkuran hala onartua, argitara ematen dira Ibarra udalaren irabazi asmorik gabeko emakumeen eta gizonen arteko berdintasuna bultzatzen duten elkarteei 2017. urtean garatuko dituzten jarduerak eta egitarauetarako diru-laguntzak emateko oinarriak.

Ibarra, 2017ko urria... Bitarteko idazkaria. ()

*Ibarra udalaren irabazi-asmorik gabeko emakumeen eta gizonen arteko berdintasuna bultzatzen duten elkarte eta taldeei 2017. urtean garatuko dituzten jarduerak eta egitarauetarako diru-laguntzak emateko oinarriak.*

## HITZAURREA

Azaroaren 17ko 38/2003 Diru-laguntzei buruzko Legeak eta garapen arautegia onartzen duen uztailaren 21eko 887/2006 Errege Dekretuak xedatzen dute, tokiko udalen diru-laguntzak arautzeko oinarriak ezarri beharra dagoela, eta horiek aurrekontuak gauzatzeko oinarrien markoan onetsi behar direla, diru-laguntzen ordenantza nagusi baten bidez edo diru-laguntzen hainbat modalitatarako ordenantza espezifiko baten bidez.

2013ko ekainaren 7ko Gipuzkoako Aldizkari Ofizialeko 108. zenbakian argitaraturik dagoen Ibarra udalaren Diru-laguntzen ordenantza Orokorrak arautuko ditu diru-laguntza hauek emateko baldintza eta prozedura.

2016ko martxoaren 29ko Gipuzkoako Aldizkari Ofizialeko 57. zenbakian argitaraturik dagoen 2016-2019 urte bitarteko xedatutakoari jarraiki egiten da honako deialdia.

Diru-laguntzak iragarki, norgehiagoka, objektibotasun eta berdintasun printzipioen arabera emango dira, Herri Administrazioa haiei atxikita baitago, besteak beste, sustapen-jarduerak gauzatzekoan.

### 1.- XEDEA

Oinarri hauen helburua 2017. urtean Ibarra udalaren, berdintasun arloan emango diren eta hurrengo diru-laguntzen emakida arautzeko oinarria zehatzak ezartzea da.

Oinarri hauetan aurreikusitako diru-laguntzek, 38/2003ko arazoaren 17ko Diru-laguntzei buruzko Legeak eta garapen araudia onartzen duen uztailaren 21eko 887/2006 Errege Dekretuak ezarritakoaren babesean, jasotako arauak zehaztuko dituzte.



**IBARRAKO UDALA**  
(Gipuzkoa)  
Euskal Herria

## 2.- DIRU LAGUNTZAK EMATEKO PROZEDURA

Diru-laguntzak ematerako garain honako printzipioak hartuko dira kontuan: publizitatea, objetibotasuna, gardentasuna, berdintasuna eta diskriminazio eza. Eta, ondorengo ekintzetara bideratutako jarduera, proiektu edo programak egiten dituzten pertsoneri edo irabazi-asmorik gabeko elkarteei, norgehiagokako erregimen bidez, emango zaizkie diru laguntzak. Hau guztia, eskumeneko organoak onartutako deialdi publikoaren bidez egingo da.

## 3.- DIRU-LAGUNTZEN ZENBATEKOA

Deialdi honen bidez, diru-laguntzak emateko zenbatekoa 3.000 eurokoa da, 1.000.430.231.50.01.2017 partidaren kargatutako dena.

Diru-laguntza emateko orduan zehatuko da bakoitzari emango zaion zenbateko edota adjudikazio prozeduran lortutako puntuazioa.

## 4.- DIRUZ LAGUNDU DAITEZKEEN ILDO ETA PROGRAMAK

Diruz lagundu daitezkeen ildo eta programatzat jo daitezke udalerrian garatuko diren emakumeen eta gizonen berdintasuna bultzatzen duten jarduerak edo programak, bai eta xede-talde gisa Ibarako herritarrek dituztenak ere, honako modalitateak ezberdintzen direlarik:

- a) Emakumeen eta gizonen berdintasuna bultzatzen duten jarduerak: Urteko programa.
- b) Emakumeen eta gizonen berdintasuna bultzatzen duten jarduerak: Jarduera zehatzak.

Diruz lagundutako gastutzat joko dira diruz lagundutako jardueraren izaerari dagozkionak eta oinarri hauetan ezarritako epeen barruan egiten direnak.

Ibarako Udalaren Diru-laguntzen Ordenantza Orokorraren 28. artikuluan ezarritakoaren arabera, diruz lagundutako proiektua aurrera eramateko lege- edo finantza-aholkularitza gastuak, notario-gastuak eta peritu-gastuak diruz lagundu daitezke baldin eta diruz lagundutako jarduerarekin harreman zuzena badute eta berorren prestakuntza edo gauzatze egokirako ezinbetekoak badira.

Diru-laguntzaren onuradun den elkarteak edo pertsonak jardueraren antolakuntzak dakartzen ardurak beregain hartuko ditu, aipatu jarduera bermatzen duten dagozkion aseguru-polizak itunduz.



**IBARRAKO UDALA**  
(Gipuzkoa)  
Euskal Herria

Oinarri hauek arautzen dituzten diru-laguntzen emakidak ez dakar berarekin udalaren eta diru-laguntzaren onuradun den pertsona edo elkartearen artean inolako izaera zibileko, lan izaerako, administrazio izaerako edo bestelako izaerako kontratu-harremanik.

#### 5.- ONURADUNAK

Arau hauetan jasotako diru-laguntzak eska ditzakete Ibarra udalerrian egoitza edo ordezkari itza irabazi asmorik gabeko erakunde juridikoek, baldin eta 4. art.an jasotako jardura programaren bat garatu nahi badute eta oinarri hauetako baldintzak nahiz diru-laguntzei buruzko araudiak ezarritakoak betetzen badituzte.

Diru-laguntzak jaso ahal izango dituzte legez eratuta eta Eusko Jaurlaritzako elkarte-erregistroan inskribatuta dauden Ibarra errotutako eta deialdi honetako jardueretara eskainitako erakundeak. Horrez gain, diru-laguntzen azaroaren 17ko 38/2003 Lege Orokorraren 12. artikuluan xedatutako baldintza guzti-guztiak bete beharko dituzte.

Pertsona fisiko edo juridikoek osaturiko taldeek, publiko nahiz pribatu izan, eta izaera juridikorik ez badute, baldintza hauek bete beharko dituzte:

a) Taldearen ordezkari edo ahaldun bakar bat izendatu beharko dute, onuradun gisa dagozkion betebeharrak betetzeko nahikoa aginpiderekin, aplikatuko baitzaio 38/2003 legearen 11. artikulua.

b) 38/2003 Legearen 39. eta 65. artikuluetan tipifikatutako diru-laguntzaren itzulketa onartzeko edo kitatzeko preskripzio-epea amaitu arte taldea ez desegiteko baldintza beteko dutela adierazten duen zinpeko aitortza.

#### 6.- BAZTERTUAK

Deialdi honetatik kanpo gelditzen dira ondorengoak:

a) Ebazpen irmo bidez diru-laguntzak edo laguntza publikoak jasotzeko eskubidea galdu dutenak.

b) Konkurtso-deklarazioa eskatu dutenek, edozein prozeduretan kaudimengabe aitortua izan direnak, konkurtso-deklarazioan jada daudenak, esku-jartze judizialera lotutakoak edo konkurtso sailkapen sententzian ezarritako ez gaitasun epea amaitu gabe Konkurtso Legearen arabera ez gaitutako pertsonak

c) Administrazioarekin eginiko edozein kontratu bertan behera uzteko errudun aitortuak izan direnak.

d) Pertsona fisikoa, merkataritza sozietateetako administratzaileak edota beste pertsona juridiko batzuek legezko ordezkari itza dutenak sartuta daudenean kontratatzeko bateraezintasun kasuren batean, bakoitzean aplikaziokoa den legeria espezifikokoaren arabera; edo Hauteskunde Araubide Orokorraren ekainaren 19ko 5/1985 Lege Organikoak arautzen dituen hautetsi karguren bat izatea.



**IBARRAKO UDALA**  
(Gipuzkoa)  
Euskal Herria

- e) Egungo xedapenek ezarritako zerga edo gizarte segurantzari buruzkoak betebeharrak ez betetzea.
- f) Zerga egoitza erregelamenduz paradisu fiskal gisa sailkatutako herrialde edo lurralde batean dagoenean.
- g) Udal honek emandako diru-laguntzak itzuli behar izateagatik sortutako obligazioak ordaindu gabe dituztenean.
- h) Diru-laguntzak itzultzeko betebeharrean egonik, ordainketa eginda ez dutenek (diru-laguntza itzultzeko prozeduran zordun gisa )
- i) Diru-laguntzen Lege Orokorraren edo Zergei buruzko Legearen arabera, diru-laguntzak lortzeko aukera ebazpen irmo bidez galdua dutenek.
- j) Entitatearen ordezkariaren baten lege-bateraezintasuna Udaleko langile edo hautetsiekin.
- k) Era berean, ezingo da diru-laguntzarik eman, Ibarra Udalarekin dituzten zorreatatik premiamendu bidezko kobrantza prozeduretan sartuta edo udal entitate honekin zerga obligazioak bete gabe dauzkaten partikularrei edo entitateei, aipatu zorrak ordaindu eta kitatu arte.
- l) Beren jardueraren izaera sozial edo pertsonalaren bitartez, diskriminazioren bat bultzatzen duten erakunde edo pertsonak

## 7.- ONURADUNEN EGINBEHARRAK

- a) Diru-laguntzak emateko arrazoi den xedea betetzea, proiektua gauzatzea, jarduera burutzea edo jokabidea hartzea.
- b) Hizkuntza irizpideak betetzea: Ibarra udalean eta udalerrian euskararen erabilera normalizatzeko irizpideen 32.1 artikulua arabera, honako hizkuntza irizpideak bete beharko dituzte:
  - b.1. Ibarra Udalarengandik diru-laguntzaren bat jasotzen duten elkarte eta erakundeek, pertsona fisikoek nahiz entitate juridikoek diruz lagundutako beren jardunean argitaratzen dituzten idatzi, iragarki, ohar eta gainerakoak euskaraz, behintzat, idatzi eta ezagutzera eman beharko dituzte. Era berean, ospakizun zehatzetan bozgorailu bidez ematen dituzten mezuak euskaraz eman beharko dituzte.





**IBARRAKO UDALA**  
(Gipuzkoa)  
Euskal Herria

Aurreko paragrafoko elkarte, erakunde, pertsona fisiko edo juridikoek euskaraz eta erdaraz egiten diren adierazpenetan, eta, batez ere, ahozkoetan, euskarazkoari eman beharko diete lehentasuna.

Diru-laguntza kudeatzeko eskumena duten organoek bidezkoak diren neurriak hartuko dituzte onuradunek puntu honetan xedatutakoa betetzen dutela egiaztatzeko.

c) Diruz lagundutako proiektu edo jardueran genero ikuspegia txertatzea.

d) Udalaren aurrean diru-laguntza emateko jarritako baldintzak betetzen dituela, jarduera burutu eta helburua bete dela egiaztatzea.

e) Diru-laguntza ematen duen organoak egin beharreko egiaztapen jarduerak onartzea, baita eskumena duten kontroleko organoek, nazionalek naiz komunitarioek, egiaztatzekonedo finantzen kontrolerako egin dezaketene beste edozein egiaztapen jarduera ere. Jarduera horietan eskatutako informazio guztia beharko du.

f) Diruz lagundutako jarduerak finantzatzeko bestelako diru-laguntza, laguntza, diru-sarrera edo baliabideak lortuz gero, diru-laguntza ematen duen organoari jakinaraziko dio. Jakinarazpen hori bestelako laguntzen berri izan bezain pronto emango da, edo gutxienez onartutako diru-laguntzari emandako aplikazioaren egiaztapena egin baino lehen.

g) Eskura izango ditu: Kontabilitate liburuak, erregistro eguneratuak, eta onuradunari kasu bakoitzean aplika dakioken merkataritza legedian eskatutako terminoetan ikuskatutako bestelako agiriak; baita diru-laguntzak arautzen dituen oinarrietan eskatutako kontabilitate egoera eta erregistro zehatzak ere; honela egiaztapen eta kontrol ahalmenak era egokian gauzatzea bermatzen da-eta.

h) Jasotako diru-laguntzak zertan erabili dituen egiaztatzen duten dokumentuak gordetzea, dokumentu elektronikoak barne, egiaztapen eta kontrol jardueretarako gai izan daitezkeen bitartean behintzat.

i) Diru-laguntza jasotzen duen jardueraren berri emateko neurriak hartzea; hau da, onuradunak Ibarra udalaren diru-laguntza jasotzen duen programa, jarduera edo ekintzen finantzazioaren izaera publikoaren publizitatea egin beharko du.

j) Oinarri hauetan aurreikusitako baldintzaren bat gertatuz gero, jasotako dirua itzuli egin beharko du.

k) Diru-laguntza ematerakoan kontuan hartutako edozein inguruabar aldatu egingo balitz diru-laguntza ematen duen organoari jakinarazi behar zaio.



**IBARRAKO UDALA**  
(Gipuzkoa)  
Euskal Herria

l) Diru-laguntza emateko eskaerak aurkezteko epea amaitu baino lehen, norgehiagoka kasuetan edo gainerakoetan, erabiltzeko proposamena egin baino lehen, egiaztatzea zerga obligazioak betetzen dituela Gizarte Segurantzarekin, eta gainerakoekin, eta eskatzailearen nortasuna egiaztatzea.

Halere, onuradunari urte osoan emandako diru-laguntzen kopuru metatuak ez baditu 1000 euro gainditzen, aipatu obligazioak betetzen dituela egiaztatzeko, alderdi horien gaineko erantzunkizun aitortpena aurkeztu behar du.

Izaera juridiko zehatzik ez duten taldeetan, elkarte edo antzekoetan baldintza hau egiaztatu beharko da taldea ordeztzen duen pertsonaren zinpeko aitortzearen bidez eta aitortuko du ez duela zorrik administrazioarekin. Egiaztatze hau loturik dago, gainera diru-laguntza arautzen duten gainerako arauekin.

m) Diru-laguntzen xede diren programak, jarduerak, inbertsioak edo jarduketak Ibarra Udalak finantzatzen dituela egoki zabaltzea bidezko publizitatea emanez, baldin eta betebeharrak hori dagokion deialdi, hitzarmen edo ebazpenean exijitu bada.

n) Jasotako funtsak itzultzea, Ibarra Udala diru-laguntzen ordenantza orokorrean xedatutako kasuetan.

## 8.- DIRU LAGUNTZEN BATERAGARRITASUNA

1. Oinarri hauetan aurreikusitako laguntzak bateragarriak izango dira bai beste Herri Administrazioek emandako dirulaguntzekin bai erakunde publiko nahiz pribatuak emandakoekin, helburua eta xedea berberak izanda ere.
2. Beste laguntza batzuk jasotzen badira, guztira jasotako diru-laguntza ezin izango da diruz lagundutako jardunen kostua baino handiagoa izan. Horrelakorik gertatuz gero, muga hori gainditzearen, ematekoa den diru-laguntza Oinarri hauen kargura murriztuko da.

## 9.- ESKABIDEAK, DOKUMENTAZIOA ETA AURKEZTEKO EPEA

Deialdi honek aurreikusten dituen diru-laguntzak jasotzeko eskabideak, GIPUZKOAKO ALDIZKARI OFIZIALEAN argitaratu eta hurrengo egunetik kontatuta 30 eguneko epean aurkeztu ahal izango dira, Udaletxeko Erregistro Orokorrean.

Laguntzak eskatzeko eskaerak ondoko dokumentazioarekin aurkeztu beharko dira:

- a) Diru-laguntzarako eskari-orri normalizatua behar bezala beteta.
- b) Eusko Jaurlaritzako elkarte eta entitate-erregistroan inskribatu izanaren ziurtagiria.



**IBARRAKO UDALA**  
(Gipuzkoa)  
Euskal Herria

- c) Elkartearen estatutuen fotokopia.
- d) Erakundearen identifikazio fiskaleko kodearen (I.F.K.) fotokopia eta erakundearen ardura duen pertsonaren NANaren fotokopia.
- e) Eskatera besteren baten izenean eginez gero, eskatzaileak duen ordezkartzaren egiaztagiria, bai elkarte edo taldeak hartutako akordio bidez, bai ahalduentzearen bidez sozietateen kasuan.
- f) Eskaria egiten duen Erakundeak irekitako Kontu Korrontearen titularitatea ziurtatzeko banketxe edo aurrezki kutxa horrek emaniko ziurtagiria.
- g) Instituzio, erakunde eta abarrei eskatutako diru-laguntzen edo, hala bada, jasota dituzten haien aitorpena.
- h) Diru-laguntza xede izango duen programaren edo ekintzaren txostena zehaztuta.
- i) Programaren edo ekintzaren diru-sarrera eta gastuen aurrekontua.
- j) Zerga betebeharrak eta Gizarte Segurantzarekikoak betetzen dituela egiaztatzen duen agiria (edo hala badagokio, eranskinean dagoen agiria, dagokion moduan beteta).
- k) Zinpeko aitorpena, diru-laguntzak jasotzeko inolako debekuren batean sartuta ez dagoela adierazteko. Debeku horiek azaroaren 17ko 38/2003 Legearen 2. eta 3. artikuluetan zehaztutakoak izango dira.

Eskatzaileak aurkeztutako agiriak osagabeak edo oinarrietan ezarritako baldintzak betetzen ez dituztela egiaztatzen denean, interesatuari dei egingo zaio hamar laneguneko epean akatsak zuzen ditzan edo beharrezko agiriak aurkeztu ditzan, eta ohartaraziko zaio hala egingo ez balu eskaria baliogabetua geratuko dela eta besterik gabe artxibatu egingo dela, indarrean dagoen araudiari jarraiki.

Eskatera onartua izanda ere, Udalak beharrezkoak dituen argibide eta dokumentuak eska ditzake.

Jarduera baterako diru-laguntza eskatze hutsaren ondorioz, onartu egin beharko da diru-laguntza horren emakida arautzen duten oinarriak ezagutzen eta onartzen direla.

Eskatera aurkezteak ez du, berez, diru-laguntza jasotzeko eskubiderik ematen, diru-laguntza orok berekin duen iritzia araberako izaera baitu diru-laguntza honek ere.



**IBARRAKO UDALA**  
(Gipuzkoa)  
Euskal Herria

Eskabideak eta informazioa non eskuratu: Ibarra Udaleko harreran edo [www.ibarra.eus](http://www.ibarra.eus)

#### 10.- BALORAZIO IRIZPIDEAK

Irizpide eta balorazio-muga hauek kontuan izanda onartuko diren eskaerak hautatuko dira (gehienez 100 puntu). Gutxienez 50 puntu lortzen ez dituzten proiektuak ez dira diruz lagunduko.

- Programa edo jardueraren helburuak eta edukiak eraginkorrak izatea emakumeen eskubideen defentsarako, emakumeen eta gizonen berdintasuna lortzeko eta/edo indarkeria sexista ekiditeko: gehienez 40 puntu.
- Elementu berritzaileak, teknologia berrien erabilera eta jardura zabaltzeko baliabideak, ibartarren partaidetza sustatze aldera: gehienez 15 puntu.
- Proiektuan onura izango duten Ibarra Udaleko pertsona kopurua: gehienez 5 puntu.
- Emakume atzeritarrei, zailtasun bereziak dituztenei, indarkeria edo diskriminazioren bat jasaten dutenei laguntza eta babesa eskaintzea: gehienez 10 puntu.
- Ibarra Udaleko emakumeen premiei erantzuteko jardura berria izatea: gehienez 10 puntu.
- Emakumeen eta gizonen berdintasuna lortzera edo/eta indarkeria sexista ekiditera zuzendutako politiken edo jardueren garapenean egindako ibilbidea: gehienez 10 puntu.
- Proiektua eta bere jarduerak garatzean euskararen erabilera bermatzea. (gehienez 10 puntu).

#### 11.- PROZEDURAREN INSTRUKZIOA.

Diru-laguntzak emateko prozeduraren instrukziorako organo eskuduna Gizarte Politikak, Politika Feministak eta Aniztasuna Batzordeak izango du.

Organo horrek Tokiko Gobernu Batzordeari aurkeztuko dio proposamena. Erabakitzeko proposamen horrek honako hauek jaso behar ditu:



**IBARRAKO UDALA**  
(Gipuzkoa)  
Euskal Herria

- Eskaeren ebaluazioa.
- Eskatzaile-zerrenda, diru-laguntza osatzeko proposatuko direnena.
- Diru-laguntzaren zenbateko zehatza.

Prozedura hori erabakitzeke eskumena izango duen organoa Tokiko Gobernu Batzarra izango da.

Organo instruktoreak eska diezaieke interesdunei behar adina argibide eta informazio nahiz agiri prozedura izapidetzeko eta, oro har, ebazpena eman behar deneko datuak egiaztatzeke beharrezko direnak.

Diru-laguntza norgehiagoka bidez emango da eta kasu bakoitzean ezarritako irizpideen arabera, Laguntza kopuru bat aukeratuko da, diruz lagundu diren jarduketan kalitatea eta bideragarritasuna bermatuko duena.

## 12.- EBAZPENA

Prozedura hori erabakitzeke eskumena izango duen organoa Tokiko Gobernu Batzarra izango da. Epea sei hilabetekoa izango da, deialdiaren iragarkiaren egunetik kontatzen hasita, baldin eta organoak berak data atzeratzen ez bada aurrekontu disponibilitatea dela-eta.

Gehienezko epe hori igarota, eta ebazpenik eman ez bada, eskatzaileak ezetsizat joko du bere diru-laguntza eskaera, Ibarako Udalaren Diru-laguntzen Ordenantza Orokorraren 6. artikuluan ezarritakoari eta azaroaren 17ko diru-laguntzei buruzko 38/2003 lege orokorrak 25.5art.an ezarritakoari jarraiki. Administrazio Publikoen Administrazio Prozedura Erkideari buruzko urriaren 1eko 39/2015 Legeak 24. art.an aurreikusitakoaren arabera, eskaerak ezetsi egingo dira eskaerak aurkezteko epea amaitu eta hiru hilabetera ebazpenik eman ez bada.

Ebazpena oinarri hauetan jasotako baldintza eta irizpideen arabera arrazoituko da, eta prozeduran egiaztatu beharko dira hartutako erabakiaren oinarriak.

Diru-laguntzaren ebazpenak alderdi hauek jasoko ditu:

- Onuradunaren identifikazio datuak.
- Diru-laguntzaren xedea.
- Emandako gehienezko zenbatekoa.
- Diruz lagundutako jarduera burutzeko eta zuritzeko epea.

Ebazpenak zehaztuko du ordainketa bakarreko sistema (3.000,00€ baino gutxiagoko diru-laguntzak) edo zatikatuta (% 60-% 40) eskatutako diru-laguntzaren izaeraren arabera. Eman behar den diru-laguntza zehazteko, kontuan izango da beste irizpide



**IBARRAKO UDALA**  
(Gipuzkoa)  
Euskal Herria

batzuen artean, aurkeztutako eskaerak eta diru-laguntza jaso dezaketen jarduerak Udalak horretarako bideraturiko aurrekontuan baitan.

### 13.- DIRU-LAGUNTZAREN ZURIKETA

Diru-laguntza emanda, onuradunak honakoa egiaztatuko du:

a) Emandako zenbatekoa helburua betetzeko bideratu dela eta diruz lagundutako jarduera burutzeko.

b) Lorturiko emaitzak.

Egiaztatzea behar-beharrezkoa da betebeharra aitortzeko eta likidatzeko.

Pertsona nahiz erakunde publiko edo pribatuei emandako diru-laguntzak zuritzeko honako agiriok aurkeztuko dira:

1. Egindako jardueraren edo programaren azalpen memoria, zeinek, gutxienez, atal hauek izango dituen:

1.1. Programaren edo proiektuaren izena.

1.2. Diru-laguntza ematearen helburua, aurkeztutako aurrekontuaren eta proiektuaren arabera.

1.3. Gauzatutako jarduerak, proposatutako helburuak eta lortutako emaitzak deskribatzea.

1.4. Proiektua edo jarduera garatzen egindako aldaketak.

1.5. Finantza baliabideen zerrenda: Diru-laguntzarekin finantzatutako jardueren deskribapena eta kostua, baita beste diru-laguntza batekin edo onuradunekin finantzatutako beste jarduera batzuen ere.

1.6. Objektibagarriak diren heinean, pertsona onuradun-eskatzaileen datuak sexuaren arabera bereizita, baldin eta horrelaxe adierazten bada dagozkien oinarrietan.

1.7. Ondorioak.

2. Memoria ekonomikoa, egindako jardueren kostua justifikatuko duena; gutxienez dokumentu hauek bilduko ditu.



**IBARRAKO UDALA**  
(Gipuzkoa)  
Euskal Herria

2.1. Diruz lagundutako jardueren diru-sarreraren eta gastuen balantzea, erakundearen idazkariak sinatutakoa eta dagokion zigiluarekin.

2.2. Izandako gastuak eta lortutako diru-sarreraren zerrenda ordenatua eta sekuentzialki zenbatutakoa, kontzeptuka antolatuta eta emaitzak guztira islatzen dituen. Gastuen zerrendak hau jasoko du:

- i. Hartzekodunaren identifikazioa.
- ii. Dokumentuaren identifikazioa.
- iii. Zenbatekoa.
- iv. Igorpen data.
- v. Ordainketa data.
- vi. Merkataritza zirkulazio juridikoan baliokide diren fakturak edo dokumentuak, edo administratiboki eraginkorrak direnak, aurreko paragrafoan aipatutako zerrendan jasotzen direnak, eta hala badagokio, ordainketaren dokumentazio akreditatiboa. Dokumentu horien fotokopiak aterako dira eta konpultsatu egingo dira; kudeaketa zerbitzuak berretsiko ditu eta jatorrizko dokumentuak interesatuari itzuliko zaizkie. Jatorrizko dokumentuak edo kopia konpultsatuak erakunde onuraduneari geratuko dira gutxienez lau urtez. Erosketa tiketak edo ordainagiriak onartuko dira, 20,00€ baino txikiagoak badira eta guztira jasotako diru-laguntzaren %10 gainditzen ez bada.

2.3. Diruz lagundutako jarduera finantzatu duten diru-sarreraren eta diru-laguntzen zerrenda xehatua, zenbatekoa eta jatorria adieraziz.

2.4. Fakturak ematen dituen erakunde bat BEZetik salbuetsita badago, salbuespen hori dagoela berresten duen erakunde eskudunak emandako ziurtagiria ere aurkeztu beharko da.

2.5. Langileei dagozkien gastuak soldata-gastu gisa justifikatzeko, dokumentu hauek aurkeztu beharko dira: Lan kontratuen kopiak, hartzaileak sinatutako dagozkien nomina ordainduak, edo hala badagokio, bankuko abonu-agiria, eta Gizarte Segurantzaren kotizatu izanaren ziurtagiriak.

2.6. Hartzekodunaren ordainketa ziurtagiria banku zordunketa bidez egin beharko da, modu zuzenean sinatutako "jaso agiria", edo aurkeztutako fakturak ordaindu izanaren beste dokumentu-ziurtagiri bat.

3. Programa edo jardueraren propagandarako egin diren kartelen kopiak.

4. Gizarte Segurantzarekiko betebeharrak eta Udalaren nahiz Foru Ogasunaren zergak kitatuta dituela egiaztatzen duen agiria.



**IBARRAKO UDALA**  
(Gipuzkoa)  
Euskal Herria

Udalak, dagozkion bide guztiak erabiliz, emandako diru-laguntzen erabilera aztertu ahal izango du.

#### 14.- DIRU-LAGUNTZA JUSTIFIKATZEKO EPEA

14.1 Urteko programazioa: 2018ko otsailaren 23a.

14.2 Ekintza puntualak: ekintza gauzatu eta 45 egun naturaleko epean justifikatuko da.

2018ko lehiaketaren ondorioz jaso beharrekoa ez da aurreko urtekoa zuritu arte jasoko.

#### 15.- DIRU-LAGUNTZAREN ORDAINKETA

Ordainketa egingo da onuradunak egiaztatzen duenean diru-laguntza eman zitzaioneko helburua bete dela, eta jarduera burutu izana eta gastua egin izana justifikatzen duenean.

Ez da ordainketarik egingo onuraduna zerga betebeharretan eta gizarte segurantzako betebeharretan egunean ez bada edo zorduna bada eta ebazpen bidez itzulketa agindu bada.

Ordainketa zatikatuen bidez ordainduko da, diruz lagundutako jarduerak burutzen diren neurrian eta aurkeztutako justifikazioaren arabera zenbatekoa emango da oinarri hauei jarraiki.

15.1.- Urteko programazioa.

Diru-laguntzak bi epetan ordainduko dira: Erabakiaren jakinarazpenarekin batera taldeari diru-laguntzaren %60 ordainduko zaio. Gainerako %40 jarduera edo egitasmoaren justifikazioari onespena ematen zaionean ordainduko zaio.

15.2.- Ekintza puntualak.

a) Hiru mila eurotik beherako diru-laguntza jasotzen duten ekintza puntualak: Diru-laguntzaren %100 ekintza gauzatu baino astebete lehenago ordainduko zaio.

#### 16.- ORDAINKETA AURRERAKINA





**IBARRAKO UDALA**  
(Gipuzkoa)  
Euskal Herria

Diru-laguntza ematen duen organoak, ordainketa aurrerakinak erabaki ditzake onuradunei emandako diru-laguntzetan, diru-laguntza horien jarduketei lorturiko finantzazio beharretarako.

#### 17.- EMANDAKO DIRU-LAGUNTZEN ALDAKETAK

Emakidaren baldintzak aldatzeak edo onuradunak aitortu gabeko bestelako diru-laguntza edo laguntzaren bat jasotzeak, batera edo bakarka, lagundutako proiektuaren kostua gainditzen bada, diru-laguntzaren ebazpena aldatzea ekarriko du eta jasotako dirua itzultzerara behartuko da.

#### 18.- PUBLIZITATEA

Diruz lagundutako jardueri buruzko publizitatean, beti Ibarako Udalaren lankidetzara adierazi beharko da.

Propaganda, bai ahozkoa bai idatzizkoa, euskaraz ere egin beharko da.

Diru-laguntzen onuradunek konpromisoa hartuko dute emakumeentzat iraingarria edo baztertzaileria izan daitekeen propagandarik ez erabiltzeko.

#### 19.- KONTROL ETA JARRAIPENA

Diru-laguntzen finantza kontrola pertsona edo entitate onuradunei egingo zaie, edo hala badagokio, erakunde kolaboratzaileei. Diru-laguntzen finantza kontrola Ibarako Udalaren Diru-laguntzen Ordenantza Orokorraren 48. eta 49. artikuluetan xedatutakoari jarraiki egingo da.

Oinarri hauetan arautzen den diru-laguntza sistema Ibarako Udaleko kontuhartzaitzara departamentuak aurrera eraman dezakeen kontrol finantzarioaren mende egongo da.

Oinarri hauetako onuradunak behartuta daude kontrol finantzarioa egiten duten funtzionarioei lankidetzara eskaintzera eta horretarako eskatzen zaizkien agiriak eta beharrezko informazioa eskuratuko diete.

Jarraipen eta kontrol prozesu horretan oinarri hauetako baldintzak ez direla betetzen ikusten bada, beharrezko neurriak hartuko dira diru itzulketa egin dadin, eta kasua bada, emandako diru-laguntza kobratzeko eskubidea galduko da.

#### 20.- EMANDAKO DIRU-LAGUNTZAREN ITZULKETA

Oinarri hauetako diru-laguntzak lotuta daude Ibarako Udalaren Diru-laguntzen Ordenantza Orokorraren itzulketa araubideari.

Elkarte baten aldetik deialdi honetan aurreikusten diren oinarrietako bat ez betetzeak diru-laguntza iraungiaraztea edo gutxitzea ekarriko du. Dena den, Ibarako Udalaren



**IBARRAKO UDALA**  
(Gipuzkoa)  
Euskal Herria

Diru-laguntzen Ordenantza Orokorraren 46. artukuluak eta harekin bat datorren gainontzeko araudiak xedatzen dutena aplikatuko da.

Jarduera bertan behera gelditu balitz, edo eskaeran jaso zenetik guztiz ezberdina baldin bada, jasotako diru-laguntza itzuli egin beharko da.

## 21.- ERANTZUNKIZUN ETA ZIGOR ERREGIMENA

Oinarri hauetako diru-laguntza sistemaren pertsona fisiko eta juridiko onuradunak lege honen mende daude: Ibarra Udalaren Diru-laguntzen Ordenantza Orokorrean 50. artikuluan ezarritako arau-hausteei buruzko erantzunkizun eta zigor erregimena.

## 22.- INTERPRETAZIOA

Oinarri hauetan hutsuneak egonez gero, Ibarra Udalaren Diru-laguntzen Ordenantza Orokorrean eta azaroaren 17ko diru-laguntzei buruzko 38/2003 Lege Orokorrean araututakoa kontuan izango da.

## 23.- ARAUDI OSAGARRIA

Oinarri hauetan aintzat hartu ez den guztirako, Herri Erakundeei aplikatu beharreko araudiak dioena beteko da, bereziki, Diru-laguntzetarako azaroaren 17ko 38/2003 Lege Orokorrak eta uztailaren 21eko 887/2006 Errege Dekretuaz onartuta legeak zehazten duen arautegiak dioena hartuko dira kontuan.

## **SEIGARRENA**

### **6.-GALDE ESKAERAK**

Eta eguneko gai-zerrendan aztertu beharreko beste gairik ez zegoenez, batzordeburu jaunak egintza amaitutzat eman zuen goizeko hamaikak eta hogeita hamar direnean, eta nik, idazkari naizen honetan, horixe egiaztatu nahi dut